

آبونه شرائطی : هریر ایچون
سنه لکی (۴۰۰) آلتی آیلنی
(۲۲۵) ممالک اجنیه ایچون
سنه لکی (۴۵۰) ، آلتی آیلنی
(۲۵۰) غروشدور.

نسخه سی ۷۰۵ غروشدور .
سنه لکی ۵۰ عدددر .

اداره خانه : باب عالی جاده سنده
رشید افندی خاتمه

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایدله بن
یازیلر اعاده اولنماز .

والله یهدی من یشاء الی صراط مستقیم

باش محرر
محمد حاکف

صاحب و مدیر
اشرف ادیب

الکشاف

۱۳۰۰

آدره من تبدیلنده آیریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسنی محتوی
بولونسی لازمدر

ممالک اجنیه ایچون آبونه
اولانلرک آدرسلیرنک
غراسزجه یازلمسی رجا اولنور .

پاره کوندردلیکی زمان نهیه
دائر اولدیقی بیلدیرلمسی
رجا اولنور

اتبعون اهدکم سبیل الرشاد

فی الحقیقه ناموس وعفته قابل تألیف اولمایان برطاقم افعال وحرکات یوزندن نه وخیم نتیجه لرك وجوده کلدیکی دائماً کورولمکده در. برطاقم هواپرست اشخاص؛ بهیمی برذوقک اسیری اولارق هر تورلو غیر مشروع مناسباته جراثیب اولیور، آرتق فحشیات دینیلن مصیبت اجتماعیه اولانجه شدتیه منحوس دائره سنی توسیع ایدره ک محیطط هوای صافی تسمیم ایدوب طور یور.

بر مملکتده فحشیانک توسی مجرد جهالتدن، مجرد اسباب معیشتنک نقصانندن منبعث اولدینی ادها اولوناماز. غربک بر جوق مرقی، زنکین شهرلری واردرکه بورالرده اهالینک یوزده طقسان بشی اوقومش، یازمش، هر درلو شرائط حیاتییه نائل بولونمش اولدینی حالده آره لرنده فحشیات بلیه اجتماعیسی دهها زیاده استیلا کارانه بر جریان آلمشدر. بو خصوصده اک بویوک عامل؛ عائله رئیس لرینک چو جوق لرینه، مؤسسات تدریسیه نک طلبیه، ارباب قلمک افراد اهالییه قارشی مکلف بولون دقلری تربیه وتنویر وظیفه سنی حسن ایفاده قصور ایتمه لرندن باشقه دکلد.

عائله رئیس لرینک وظیفه سی :

عائله رئیس لرینک عهده لرینه ترتب ایدن تربیه وتهذیب وظیفه سی پک مهمدر. برعائله رئیس تحت ریاستده بولونان افرادک تربیه سنه باقازسه، کندی اولادینک سربستی حرکاتی تقیید ایتزه البته اوائله آرمسنده نزه بر حیاتک تجلیسی قابل اولاماز؛ البته آنک اولادی سربستی حرکاتی سوء استعمال ایدره ک برطاقم سفاهت ساحه لرنده وقلری ضایع ایتمکدن کندی آلاماز؛ آرتق تجربه سز کنج بوکی مشیوم طالمرد کوردیکی عاشقانه، پرده بیرونانه منظره لر قارشیدنده تربیه فطریه سنی ده غائب ایدر، برحسن تقلید ایله بو فجایع اجتماعییه تمثیله باشلار، کندیسی کی تجربه سز کنجلر ایله برر کاشانه سودا پرستانه تأسیسنه چالیشیر، ایشی دهها ایلری کوتوره ک برر مقتل انسانیت اولان بارلره، عموم خانلره باش وورور، نهایت هم کندی حیاتی تسمیم ایدر، همده آتیا ریاستده بولوناجنی برعائله افرادینک سفالته، فلاکته سببیت ویرر، وجود لرینه باعث اولاجنی معصوملرده یاسقط آفته معروض قالیر، یاخود معلول بوجود ایله دنیایه آفاق باصره رق بوتون کونلری آه وانین ایله کچر کیدر.

مؤسسات تربیه نک وظیفه سی :

مؤسسات تدریسیه به کلانجه بونلرک وظیفه سی ده پک مهمدر. بونلر آغوش تربیه لرینه قبول ایتدکاری اولاد وطنه دینی، اخلاقی نزه بر تربیه ویرمکه مکلفدرلر. معلملر، مدرسلر اولانجه بلاغت نطقیه لرینه، اولانجه کالات علمییه لرینه طلبیه یی ارشاده چالیشمالی؛ طلبه نک فکری عفت وفضیلت نورلریله تنویره غیرت ایتلیدرلر؛ اخلاق سز لک، عفت

مثلاً قانون مدنیسنک ۲۱۵ نجی ماده سی ایله فرانسه واکا تقلید ایدن دیگر بر جوق ملئر قادینک ولو عمومک محتاج اولدینی معاملات روزمره دن برینی امضا ایچین اولسون محکمه حضورینه زوجندن اذنسز چیقمه سنی منع ایتدکاری کی [۱] اذنی لاحق اولدینی تقدیرده ده کندیسنه الیاقین اولان ارکک اقراسندن ایکسی ایله برلکده آنجق کبره بیلیر. هله معاملات باینده کی عقودده قادینک شاهد اولماسی بو مملکتلرده هیچ تجویز ایدیلر.

زوج وفات ایتدکی تقدیرده آلمان مملکتلرینک اکثریسنده قادین اولادینه یابانجه بروسی قبول ایتمکه مکلف اولور، چونکه وصایته، چو جوق باقوب تربیه ایتمکه غیر صالح عد اولونیور. وبو حق سزلق چو جوقلری منحصرأ کندی کندیسی ومحصل کسبی ایله تعیش ایتدکاری زمانلرده جاری اولور کیدر.

بو کی احکام بایدار اولدجه غربلی قادینک حقوق مدنییه جه مسلمان قادینک نه قدر دوننده اولدینی آکلامق وبو حقوق طبیعیه دن استفاده ایتمک خصوصده اوکامساوی اولنجه به قدر مجاهده ایتمه سی باراشیر.

سقط واسقاط جنین

نیمه لری

بر مملکت توجیه ایدن آفات اجتماعی دن بری ده سقط ایله اسقاط جنین خجیه سیدر. بعض مملکتلرده بو آفت اجتماعی باش دوندیریچی بر سرعته تزیاید ایتمکده در؛ بزم مملکت مزده بونلردن معدوددر. بناء علیه بو خصوصده فقهی، اخلاقی، اجتماعی، صحی نقاط نظر دن بعض مطالعات سر دینه لزوم کورویورم.

سقط هارث الیمه سی واسبابی :

معلوم اولدینی اوزره بعضی قادینلر حامله بولون دقلری چو جوقلری صحی، طبی هیچ بر تدبیره مراجعت ایتدکاری حالده وقتندن اول دوشوریورلر. بو فجیع حادثه مادی، معنوی برطاقم اسباب وعوامل تأثیریه ظهوره کلیور، اسباب معیشتک نقصانی، تداییر بحیه نک فقدانی قادینلرک حمللری حقنده تقیداتده قصور ایتمه لری، حمل اثناسنده شدتلی هیجانلره معروض قالمالری، خوف وتلاش ایچنده یاشامالری، کندیلری پک زیاده متأثر ایدرک وقوعاتی استخبار ایله لری بو اسباب وعوامل جمله سننددر. فقط بو خصوصده اصل اک مهم بر سبب واردرکه اوده ابویندن برنده ساری برخسته لک، مزمن برعلتک وبالخاصه امراض زهرویه دن برینک بولونماسیدر. امراض زهرویه ایسه فحشیانک مشیوم بر نتیجه سیدر.

[۱] «سوسیالیستلکده قادین» نام کتاب.

و فضیلتدن محرومیتک اولانجه فضایلک اکی جانلی بر صورتده تصویر ایدرک بوکی سیئاته قارشق طلبه نك دماغنده يك درین بر حسن نفرت او یاندیرمایه همت ایله لیدرلر. یوقسه بر مؤسسه تدریسیه ده دیانته ، اخلاقه ، فضائل اجتماعیه دائر کوزل کوزل درسار و بر یله چکی یرده بالعکس فنافکرلر تلقین ایدیلیرسه ، طلبه نك تربیه فطریه سنی اساسندن تزلزله اوضراتاجق مطالعه لر درمیان اولونورسه ، بر طاقم سفاهتخانه لر برر معالی خانه دب اولق اوزده کوستریلیرسه آرتق بویه بر دارالنحصیلک محصولی اولان اولاد وطندن تربیه دینه ، نزاهت اخلاقیه ، فضیلت اجتماعیه نامنه نه بکله نیله بیلیر ..؟

ارباب قلمک وظیفه سی :

ارباب قلمه کلنجه بونلر بر هیئت اجتماعیه آراسته یك مهم بر موقع صاحبیدرلر. بر مملکتده یتیشن ارباب قلم جدا مقتدره ، ناموسکاره ، فضیلت پرور بولونورسه آنلرک آثار قلمیه سندن افراد ملت يك زیاده استفاده ایدر؛ هر کس بو سایه ده عهده سته توجه ایدن مدنی ، اجتماعی وظیفه لری اوکرمه نیر ، کوزل بر تهذیب و تربیه نائل اولور . فقط ارباب قلمدن عد اولونان کیمسه لر سجه سز ، مسلک سز ، حسن اخلاقدن محروم بولونورسه بونلرک سوء نشریاتی ده بر باد زهر آلودکی بر چوق کیمسه لرک فکری ، اخلاقی بوزار؛ تمایلات هواپرستانه سنی تهییج ایدر و بالنتیجه آهنگ اجتماعی بی محو واز لهیه سبب اولور .

نته کیم هر مملکتده قلملرندن زهرابه شاعت صاحبان بویه بر طاقم محررلر موجوددر. بوکی اخلاق دشمنلرینک بر قسم نظر فریب نشریاتی حادانا یالیزی کاغذلره صارلمش زهرلی شکرلارله بکزه ده بونلرک ظاهرینه آلدانلر کندی حیات زیرهانه لرینه سوء قصده بولونمش اولورلر .

هر هانکی بر مملکتده قلملرینی شره آلت اتخاذا ایدن بوکی مضر اشخاص بولونورسه او مملکتده اخلاق سزلق کوندن کونه توسع ایدر؛ بر چوق قادیلر ، تجربه سز کنجلی عصری ترقیاته مظهر اولق بهانه سیله بر طاقم یولسز حرکاته جرأتیاب اولور؛ نهایت قوجه بر کتله بشریت ، فحشیات عالم لرینه جان آتار ، بر چوق آدملر بوکی ردائل اجتماعیه نك قربانی اولارق مددهش مددهش علتلره طوتولور؛ بر نیجه معصوملرده ده مشیمه مادرده ایکن تسم ایده رک کردابه هلاکه آتیلیر .

اسقاط مبنی فیمیه سی :

اسقاط جنین سیئته سته کلنجه بو ، قصده مقرون اولدینی جهته ده بو بوبوک بر جنایت تشکیل ایدر . بو سیئه اخلاقیه علی الا کثر شرائط حیاتیه نك نقصانندن ، کوزل بر تربیه یه عدم نائلیتدن و مدنیت غریبه نك تولید ایتدیکی سفاهتلره و سائر یه انهما کدن نشأت ایتکده در. بونلری صره سیله بر آز ایضاح ایدم .

۱ — بعض طائفه لر وسعت معیشته نائل اولامیورلر ؛ فقر و ضرورتک کندیلرینه و یردیکی یأس و فتور ایله نه یاباجقلرینی بیله میورلر؛ ده زیاده احتیاج ایچنده قلاجقلرینی دوشوندکلری ایچون افراد طائفه نك آرتما سنی ایسته میورلر ؛ بو فکرک سوء تاثیر یله ده اسقاط جنین فضیحه سنی ارتکابه مجاسر اولیورلر . حال بوکه بو فکرک يك باطلدر . اللهنه اعتمادی اولان ، مقتدرات ازیسه یه راضی بولونان بر مؤمنک دماغنده بوکی فکرلر جای قبول بولاماز .

معلومدرکه اقوام جاهلیه دن بر قسمی مجرد فقر و ضرورت خوفیه چو چوقلرینی دیری دیری طوبراقلمه کومرلردی ، بالاخره نیراسلامیت طلوعه باشلا نیجه انسانیت ، رقت جنسیه یه ، احساسات رقیقه بشریه یه منافی اولان بو چیرکین حرکت : (ولا قتلوا اولادکم خشیه املاق نحن نرزقهم وایاکم ان قتلهم کان خطئا کیرا) [۱] نظم جلیلی ایله نهی اولونمشدر .

شبهه یوقکه خالق کائنات حضرتلری رزاق طالمدر ، هر ذی حیاتی باشقه بر رزقه نائل ایتمشدر . آرتق افراد طائفه نك ترایدیله اسباب معیشتک تناقص ایدم چکنه ناصل قائل اولابیلیرز ؟ هر شخص کندی رزقیله دنیایه کلیر ، کندی رزقی استیفا ایدر ، باشقه لرینک رزقه مزاحم اولاماز ؛ بالعکس چوق کره بر نوزادک یمن قدومیله عالمه آره سنده بر فیض و برکت یوز کوسترر . انسان بر آزده بو جهتلری دوشونمه لیدر . بو جهتلری دوشونمیبوده مجرد ضیق معیشت خوفیه چو چوقلرینی ده دنیایه کله دن عدم آباده کوندن اشخاص ایله چو چوقلرینی دیری دیری مزاره دفن ایدن اقوام جاهلیه یتنده نه فرق واردر ؟ بلکه بو مرحمتسز اشخاصک . ارتکاب ایتدیکی جنایت ده اجمعدر . چونکه بو صورتده هم بر معصومک حیاته قصد ایدلمش اولیور ، هم ده آتی حامل بولونان قادینک حیاتی بو بوبوک بر تهله کیه معروض قالیور .

اوت .. طلباً نابتدرکه چو چوق دوشورن بر قادینک وجودی هر تورلو خسته لقره مستعد اولور ؛ اک اوقاق بر عارضه نك تاثیر یله اک مهلک ، اک مزمن علتلری قبوله مهیا بولونور؛ واکثری بویه بر قادین ابدیاً عقامته محکوم اولور . آرتق احکام دینه سته اطاعت ایدن ، حیاتک قیمتی بیلن بر قادین ناصل اولورده بویه بر جنایت جرأت ایدم بیلیر ؟ .

۲ — بر قسم قادینلر بولونیورکه بونلر بر جهالت و حماقت نتیجه سی اولارق بر طاقم ابلیس سیرت اشخاصک اغفالانته قایلدقلری جهته جوهر عصمتلرینی پارچه لیور ، صوکرده غیر مشروع ضرورتده قازاندقلری چو چوقلری اسقاط ایده رک کویا کندی حرکت شنبه لرینک میدان چقماسنه مانع اولق ایستیورلر .

[۱] چو چوقلرکزی فقر و ضرورت خوفیه اولدیرمه بیکز . بن عظیم الشان اولری ده ، سزی ده مرزوق قیلارم . شبهه یوقکه اوللری اولدیرمک يك بوبوک بر جنایتدر .

فحشيانی کنديلرينه علناً مسلك اتخاذ ايتش بر طاقم دنی قاديئلردہ وارد رک بولر کندي سربستی حرکاتلرينه انکل اولماسين ديه غير مشروع مسوور تده تدارک ايتدکلری چو جوقلری اسقاطه لزوم کور۔ مکده درلر۔

بعض مملکتلرده بوکي غير مشروع اطفالی حمايه ایچون بر قسم مؤسسات وجوده کتیرلمش اولدیندن اوراده کی آفتکان چو جوق دوشورمکه او قدر لزوم کور میورلر۔ بوکي مؤسسانه مالک اولمایان یرلرده ایسه جوهر عفتدن محروم بولونان بوملار قادیئلر - عرض اولوندینی اوزره - اسقاط جنینه لزوم کور مکده درلر۔ حاصلی فحشيانک منع وازاله سی جهته کیدله لیدر۔ بو جهت تأمین ایدلدکجه اسقاط جنین بلیه اجتماعیه سنک کوندن کونه توسع ایدم چکی شبهه سزدر۔

۳ - بر قسم قادیئلرده بولونیورکه بولر یا کنجلاک زماننک کنديلرينه بخش ايتدیکی حسن و طراوتی دائماً محافظه ایتک، یاخود آزاده سر قالارق بوتون کون سینمه مالرده، تیارولرده ودها باشقه ذوق و صفا عالملرنده وقت کچیرمک املیه والده اولمقدن قاجینیورلر۔ نهایت براییکی چو جوق ایله اکتفا ایدیور، بعده ظهور ایدن یاوروجقلری دوشورمک ایچون هر تورلو تدایره باش ووزوب طور یورلر۔

عجبا بویله طاش یورمکای بر والده طوغوردینی یاوروسنی دیری دیری یین بر جانواردن دها آشانی بر ماهیتده دکلیدر؟ اکر بویله بر قادیئلک صوکه درجه چیرکین اولان سیرتی خارجه عکس ایدمکک اولسه آرتق اونک صورتنده کی حسن ولطافتک نه قیمتی قالیر؟

یا کندي جنس لطیفه خاص اولان وظائفی ایفادن قاجینوبده اکلنجه یرلرنده، سفاهت ساحه نرنده دمکذار حیات اولان بر قادیئلک هیئت اجتماعیه آرمسنده نه موقی اولابیلیر؟ هله بویله بر قادیئل مسلمان بر عائله یه منسوب ایسه کنديسنی محدرات اسلامیه دن عد ایتمکه ناصل جسارت ایدمکک بیلیر؟ هیچ بویله وظیفه ناشناس بر قادیئل بوشرفه مظهر اولابیلیرمی؟

وجودینه سبیت ویردیکی بر معصومی اسقاط واتلافه جرأت ایدن بر قادیئل کندينی بر جانی، قسوت قلبه مالک برشتی اولمق اوزره طایمالیدر۔ بر قادیئل آنجاق مدت مدیده خسته قالیر، ویا بر مرضه مستعد اولور، یاخود کنديسنده قلب خسته لکی کی بر عارضه موجود بولونورسه بر مشاوره طیبیه نتیجه سننده قبل نفخ الروح اسقاط جنینه شرعاً مأذون اولور۔ یوقسه بویله محیی، طبی بر سبیه مستند اولمادکجه اسقاط جنینه قیام ایتمه سی اصلاً جائز اولماز۔

اسقاط جنینک شاعنی و مرجب اولدینی جزا :

الحاصل بلا ضروره وقوع بولان اسقاط جنین حادثه لری برر جنایتدر۔ بو فضیحه یه اجتناسار ایدنلرک شرعاً، قانوناً جزا دیدم اولملاری ایجاب ایتمکده در۔

کتب فقهیه مزده بیان اولوندینی اوزره اعضاسی قسماً مستین اولان بر جنین تماماً مستین حکمنده در۔ بویله بر جنینی اسقاط ایسه قتل ایله برابردر۔ بناء علیه بر قادیئل خلقی، صورت انسانیه سی تماماً ویا قسماً تبارز ایدن بر جنینی اسقاط ایدرسه عادتاً بر قاتل کی ارتکاب معصیتده بولونمش اولور، نه کیم ردالمحتارده : (ولایحی انہا تأثم انم القتل لو استبان خلقه ومات بفعلها) ديه محرردر۔

امهات کتب فقهیه مزدن (محیط برهانی) ده وسائر ده بیان اولوندینی اوزره نطفه، رحم مادریه واصل اولدقدن صوکره هنوز روح نفخ اولونا جق قدر بر مدت مرور ایتسه بیلر بونی اسقاط ایتک جائز دکلدر۔ چونکه نطفه رحمه واصل اولدقدن صوکره هیچ بر کیمسه نک صغنه محتاج اولمق سزین نفخ روح ایله حیات بولمايه باشلا یا جنی جهته لذی حیات مثابه سنده عدا اولونور۔ بناء علیه بونی اسقاط ایتک قرین جواز اولماز۔ نطفه، رحم مادریه واصل اولدقدن و نفخ روح قابل اولاجق قدر بر مدت کچدکدن صوکره بونی اسقاطه توسل ایتک ایسه اولی بالطریق جائز دکلدر۔ چونکه بو حالده نطفه؛ ذی حیات اعتبار اولونا جقتدن بونی اسقاط ایدن قاتل اولمش اولور۔ قتل ایسه اک بویوک بر جنایتدر۔

بسطوط سرخسیده وسائر کتب شرعیه مزده دینیلورکه : نفوس حقننده وقوع بولان جنایتلر - الله تعالی یه شریک اتخاذه دن ماعداد بالجمله محرماتک اک بویوکیدر۔ بونلر چوندرکه فرقان میننده : «هرکیم بر شخصی باشقه سی قتل ویا بر یوزنده فساد ایقاع ایتمک سزین اولدیررسه سانکه بوتون انسانلری اولدیرمش اولور، ديه بیان بویورلمشدر۔

فی الواقع بعضاً بر شخص اعلاء کلمه الله خصوصننده، محتاج اولانلره معاونت ومظاهرت خصوصننده عادتاً بر جماعت مقامنه قائم اولور، بوتون بشریتی مستفید ایدمکک افعال وحرکاته موفق اولابیلیر۔ آرتق افراد بشریه دن برنی قتل ایتش اولان کیمسه اوفرد واسطه سیله وقومی ملحوظ اولان بوکي منافع عامیه یی محو ایتش، آسایش عمومی یی خللدار ایتش، بر طاقم اشرايه سوء مثال اولمش اولاجقتدن عادتاً بوتون بشریتک حیاته قصد ایتش عد اولونور۔

جنینه کلنجه بوده نفوس عمومی یی تزییسیده وبالنتیجه موجودیت ملیه یی ادامه یه باعث اولاجق بر فرد نافع دیمکدر۔ احتمال که بوجنین ایلری ده منسوب اولدینی عائله ایچون بروسيله شرف و شان اولاجقتدر۔ احتمال که بو جنین پک بویوک بر استعداد فطری یه مالک اولوب ایچنده بولوندینی جمعیتک اعتلاسنه خدمت ایدمککدر۔ حال بوکه اسقاط حادثه مشتمومه سی بوکي دائره امکانده بولونان فوائد اجتماعی یی بوسبوتون محو ایدوب کیدیور، ایشه بونکچوندرکه شریعت عائله مز بوجناتی ارتکاب ایدنلر حقننده آغیر جزالر ترتیب ایدیور۔ ازجمله بر قادیئل علاج ایچمک، آغیر برشی قالدیرمق، یاخود قارننه وورمق کی بر

خدمت ابدن بویله محترم بر والدہ ، بویله خیرلی بر پدر دائماً تحیلہ لائق کوریلیر .

بر ذات ، متعدد اولادہ موفق اولماسنی کندنی حقندہ بر نعمت الہیہ تلقی ایتہلیر . بر حدیث شریفہ : (ریح الولد من ریح الجنة) بویورلدینی کی دیگر بر حدیث نبویہ دہ : (الولد فی الدنیا نور وفی الآخرۃ سرور) وارد اولمشدر .

ہلہ متعدد قیز اولادینہ نائل بولونان بر مؤمن عادات جاہلیہ مخالفہ ایچون دہا زیادہ اظہار سرور ایتہلیر . (یہب لمن یشاء اناثاً ویہب لمن یشاء الذکور) آیت جلیلہ سی منطوقہجہ خلاق کریم حضرتلری دیلہ دیکنہ قیز اولادی ، دیلہ دیکنہ دہ ارکک اولادی احسان بویورر ، ہر ایکسی دہ مواہب سبحانیہ دندر . بناء علیہ انسان بو کی مواہب الہیہ مظهر بتدن طولای صوک درجہ محظوظ و متشکر اولمالیدر کہ حقندہ عواطف الہیہ توالی ایشین . ارضروملی

عمر نصر می

حافظہ مار نفاک ماہیت و مناسی

صوک زمانلردہ مخایف مطبوعاتی اہمیتلہ اشغال ایدن مناقشات و مناظرات اجتماعیہ دن آکلاشیلیور کہ ، افکار عمومیہ من محافظہ کارلق و تجدید پرورلک جریانلری مراقبہ تعقیب ایتکدہ و ملککتک مستقبل انکشافاتی نامنہ ہوفعالیت فکریہ دن خیرلی نتیجہلر بکلہ مکدہ در . فی الحقیقہ اجتماعی عمدہلر معضل اولدینی قدر فیضلی بر منبع تکاملدر . چونکہ ، متین بر شکل اجتماعی بہ ، یوکسک بر تربیۃ اجتماعیہ ، یہ استناد ایتکدہ سیاسی ، اداری مفہوملرک استقرار بولمسنہ امکان اولہ ماز . یعنی اجتماعیاتہ مقارن اولمیان ، تعبیر دیکرلہ نمللری بنیۃ ملیہ داخلندہ قورولمیان ہر ہائیکی بر ایشدن مثبت اثرلر اقطاف ایدیلہ من . روح ملیدن دوغان ، اجتماعیاترہ ، اساساترہ موافق و مطابق اولان حرکات ملیہ من مستثنا اولمق اوزرہ ، شمدی بہ قدر ہیچ بر فکرک ، ہیچ بر زمرہ نلک حریم ملتہدہ بر یولہ مامسی ، آوروپا محیطی ایچون شرائط محلیہ بہ ، تعاملات حسیہ و اداریہ کورہ تنظیم ایدیلن قوانین و نظاماتک ، اصوللرک مملکت مزیدہ قابلیت تطبیقیہ سی دوشونلکسزین - عیناً اقتباسنہ رغماً بونلرک عملی و مفید بر ثمرہ ویرہ مامسی ، اومدینمز ترقیات و تکاملی تأمین ایدہ مامسی واضحاً کوستریور کہ حرثہ ، اجتماعیاتہ مقارن اولمدنچہ ، تدقیق و تحلیلہ استناد ایتمین تشبثلر ، حسن نیتہ محمول اولسہ بیلہ ، ینہ عقیقہ قالمہ محکومدر . بوندن طولای ہیئت اجتماعیہ منی شدتلہ علاقہ دار ایدن اجتماعی مباحثہلری ، اک جانی واساسلی نقطہلرک تقدیر ایدلکہ باشلانیدیغہ بر علامت اولمق اوزرہ تلقی ایدیورر .

صورتلہ قصداً چوجوق دوشورنچہ نظر اولونور . اگر چوجوق حی اولارق دوشردہ عقیندہ وفات ایدرسہ بو قادین اوزرینہ ہم دیت ، ہم دہ کفارت لازم کلیر . اما چوجوق هنوز نفخہ یاب حیات اولمادن دوشرسہ بالکز غرہ ، یعنی دیت شرعینک یکرمنی دہ بری اولان بش یوز درہم کوموش واجب اولور . قادین بر جزای نقدی اولمق اوزرہ دیت و غرہ بی اسقاط ایتدیکی جنینک ورثہ سنہ ویر ، کندیس قاتل عد اولوندیغندن بالضرورہ بوندن حصہ آلاماز .

بو جزا ؛ بو خصوصہ کی نہی شرعینک اک مؤثر بر مؤبدہ سیدر . طبعاً میال اموال بولونان قادینلرک بو صورتلہ جزا دیدہ اولمالری شہہ یوق کہ کندیلرینی اسقاط جنین جنایتہ جرأتدن پک کوزل منع ایدر . اولورر کہ بو کی احکام شرعیہ منہ رعایت اولنسون . آنجاق بر قادین مجرد بدنی اصلاح ، معنی تأمین ایچون علاج ایچردہ بونک تأثیریلہ حامل بولوندینی چوجوق کرک مبتأ و کرک حیا دوشرسہ بوندن طولای کندیسنہ بر جزا ترتب ایتمز ، حق بو چوجوغہ وارث دہ اولابیلیر . [فتاوی ہندیہ ، ولوالجیہ]

ایشتہ کوریلیر کہ بر ضرورت صحیہ مستند اولمقسزین وقوع بولان چوجوق دوشورمہلری بر جنایتدر ، اک بویوک معاصیدن معدوددر . شرایع الہیہ بونی منع ایدیور ، بوتون ارباب وجدان بو معصیتدن تنفر ایدلور . آرتق دیانتہ ، صفوت وجدانہ مالک بولونان بر قادین ، بر رئیس طائلہ بویلہ بر جنایت و معصیتہ ناصل اجتناسار ایدر ؛ بوکا ناصل روی موافقت کوسترر ؟ بو فضیحتہ جرأت ایدنلر علی الا کثر صوک زمانلردہ پک شدید بر ندات حس ایدرلر ، چوجوغنی دوشورن بر والدہ ، بو جنایتہ موافقت ایدن بر پدر چوق کرہ ہنکام پیریدہ کندیلرینی حمایہ ایدہ جک اللردن محروم قالیرلر ، دہا دنیاہ گلہ دن آخرتہ کوندرمش اولدقلری معصومک خیالی کوزلری اوکنندہ بر قهرمان کی تجسم ایدر ؛ بو خیالی امدادلرینہ قوشمش بر خضر کی تلقی ایدہ رک سہوینیرلر ، آنک زیر جناح حمایہ سنہ صیغینارق بارثقیل حیاتی تخفیفہ موفق اولاجقلری ذہابندہ بولونورلر ؛ مدار حیاتلری اولان بو قهرمانی آغوش افتخارلرینہ جلب ایچون قوللری اوزادیرلر . حیفا کہ بو قهرمانک بر طیفدن ، بر خیال موہومدن عبارت اولدینی تحقق ایدر ، و قتیلہ حیانتہ قصد ایش اولدقلری معصومک بر تمثال خیالیسندن عبارت بولوندیغنی آکلایارق پک درین بر یأس و حزن ایچندہ قالیرلر ؛ بو صورتلہ دہ یا پیش اولدقلری جنایتک بر جزای مغویسنہ اوغرامش اولورلر .

خاتمہ مقال اولارق شونی دہ عرض ایدہ لم کہ بر قادینک ، بر ارککک قیمت اجتماعیہ سی وجودہ کتیردکاری چوجوقلرک اکثریتلہ متناسباً تزیاید ایدر . منسوب اولدینی ہیئت اجتماعیہ نک ازدیاد قوت و سطوتنہ